



Asuntu: Reunion di Konsehu di Justisa Ambiental - Prizensial ku Opon Virtual – 11 di junhu di 2026

Karu Psoa Interesadu na Justisa Ambiental,

Gabineti Izekutivu di Inerjia y Asuntus Ambiental (EEA) sta bai konvoka Konsehu di Justisa Ambiental (EJC) pa se prósimu reunion na dia **11 di junhu di 2026, 6:30 pm (EST)**. Membrus di konsehu sta bai diskuti sobri Mikro-redis y Dikretu sobri Furnesimentu di Inerjia. Parti di reunion ta ser rizervadu pa komentárius jeral di públiku.

Pur favor, faze inskrison pa reunion através des link:

https://www.zoomgov.com/webinar/register/WN_opu8sC1IRF2KgC28H9u5Fw

Lojístika. Es reunion sta bai ser rialzadu prizensialmenti na Sentru Hitchcock pa Ambienti (Hitchcock Center for the Environment), ku opon virtual via Zoom. Reunion tem un previzon di durason di 90 minutos. Edifisiu ta fika lokalizadu na 845 West St, Amherst, MA 01002. Pode txiga la di autokaru 31, 38, 38NS y 39 (konsulta [gia di autokarus](#)). Pa direson pa psuas ki sta bai di karu, vizita [es link](#). Stasionamentu ta sta disponibel na parki di stasionamentu au ladu di sentru.

Apoiu di Interpretason. Spanhol, mandarin, vietnamita, kriolu Aitianu, Kriolu Kabu-verdianu, portugés y língua jestual merkanu (ASL) ta ser disponibilizadu virtualmenti através di Zoom. Spanhol, Mandarin, Kanbojanu y kriolu Kabu-verdianu ta sta disponibel prezensialmenti. Si bu meste di interpretason na otu língua ô di kalker adaptason adisional, pur favor inklui bu pididu na un email pa meetings@erg.com. Pididus deve ser submetidus 48 óra antis di inísiu di reunion.

Pa risebe es informason na letras grandi ô Braille na inglés, txoma pa 1-877-623-6765. TTY: 1877-623-7773.

Lei di Reunions Abertus. Konsehu EJ ta opera sobi abrigu di Lei di Reunion Abertu [<https://www.mass.gov/the-open-meeting-law>] y ta akodje membrus di públiku ki tem interesi na partisipa di ses reunion formal.

Más informason sobri EJC: EJC é un konsehu nomiadu pa Guvernador pa akonselha y da rikomendason pa Sikretáriu di EEA sobri pulítikas y normas relevantis pa alkansa prinsipius di justisa ambiental. Tais prinsipius é difinidu pa lei stadual sima "prinsipius ki ta apoia proteson kontra puluison ambiental y kapasidadi di vive y desfruta di un ambientu limpu y saudável, independentementi di rasa, kôr, rendimentu, klasi, difisiensia, identidadi di jéneru, orientason sexual, urijen nasional, etnia ô asendensia, krensa religio ô profisiensia na inglés, ki ta inklui: (i) involvimentu signifikativu di tudu psuas relativamenti á dizinvolvimentu, implementason y aplikason di lei, regulamentus y pulítikas ambiental, inkluidu pulítikas sobri alterason klimátiku; y (ii) distribuison ikitativu di inerjia y benifisius ambiental y di inkargus ambiental." Lei sta refiridu na Sekson 62L na es link: [<https://malegislature.gov/Laws/SessionLaws/Acts/2021/Chapter8>].

Informason adisional sobri EJC, reunion futuro y gravason di reunion pasadu pode ser inkontradu li: <https://www.mass.gov/orgs/environmental-justice-council>. Pur favor, klika na "Silesiona Idioma" na kantu superior direiu di pájina web pa traduzi pájina.

Obrigadu,

María Belén Power
Sub-sekretária di Justisa Ambiental y Ekuidadi
Gabineti Ezekutivu di Inerjia y Asuntus Ambiental